

## JAVNI POZIV

### za Osnovnu obuku službenika za mlade u Federaciji Bosne i Hercegovine

14.03.0-N2.1-590

Na osnovu člana 19. Zakona o organizaciji uprave u FBiH („Službene novine FBiH“, br. 35/05), člana 12. Zakona o mladima FBiH („Službene novine FBiH“, br. 36/10), i Pravilnika o procedurama obuke i certificiranju službenika za mlade Federalnog ministarstva kulture i sporta, **Institut za razvoj mladih KULT**, u partnerstvu s Federalnim ministarstvom kulture i sporta, poziva lokalne i kantonalne službenike za mlade iz Federacije Bosne i Hercegovine da se prijave za učešće u certificiranoj Osnovnoj obuci za službenike za mlade (u daljnjem tekstu: obuka) u skladu s Pravilnikom o procedurama obuke i certificiranju službenika za mlade. Po javnom pozivu bit će odabrano do 20 polaznika iz BiH za obuku službenika za mlade, u skladu s dolje navedenim kriterijima.

NAPOMENA: Imenice koje se odnose na osobe bez obzira na njihov gramatički rod u ovom dokumentu podrazumijevaju oba prirodna roda, odn. spola.

#### O OBUCI

Obuka službenika za svrhu ima da se polaznici osposobe za samostalno obavljanje poslova službenika za mlade stjecanjem certifikata o znanju o politici prema mladima i radu s mladima, te da osobe koje u državnoj službi obnašaju ili imaju namjeru obnašati funkciju i poslove službenika budu stručno osposobljene za rad s mladima uz posjedovanje stručnih kompetencija i certifikata neophodnih za obavljanje te pozicije u organu državne službe.

- Program osnovne obuke sastoji se od 120 radnih sati raspoređenih u pet obaveznih modula obuke. Pored toga, obuka sadržava zadaću, studijske posjete i pismeni ispit. Svi moduli traju po 5 radnih dana (ponedjeljak – petak).
- Obuka ima interaktivan metodološki pristup kroz koji polaznici imaju priliku dijeliti iskustva i dati sugestije za razvoj obuke. Svaki modul uključuje teorijski dio, primjenu znanja u okviru programa obuke i praktični rad.
- Termini održavanja modula će biti objavljeni i na web-stranici Instituta ([www.mladi.org](http://www.mladi.org)).
- Polaznik koji učestvuje u najmanje 80% programa obuke i položi završni ispit može steći certifikat.
- Program obuke pokriva troškove smještaja na bazi punog pansiona, materijal za rad i certificiranje svakog polaznika. Polaznici i/ili institucija iz koje dolaze dužni su pokriti troškove putovanja.

#### PREDNOSTI UČEŠĆA

Programom obuke polaznik se osposobljava za:

- razumijevanje zakona o mladima,
- saradnju i pružanje stručne pomoći mladima pri izradi projekata, osnivanje omladinskih udruženja i promoviranje omladinskog rada,
- zastupanje interesa mladih i savjetovanja mladih,
- identifikaciju problema i potreba mladih,
- koordinaciju procesa uspostavljanja i provođenja politike prema mladima na odgovarajućem nivou vlasti,
- koordinaciju između omladinskih udruženja, organa uprave i nevladinog sektora,
- afirmaciju i saradnju pri provođenju politike prema mladima sa svim bitnim akterima politike prema mladima - javnim ustanovama, organizacijama i drugim akterima iz zajednice,
- vođenje spiska omladinskih udruženja i neformalnih grupa mladih,
- pripremanje prijedloga za finansiranje i sufinansiranje projekata između omladinskih udruženja i organa uprave,
- pripremanje izvještaja, analiza i informacija o realizaciji projekata i stanju mladih u lokalnoj zajednici,
- uspostavljanje održivog partnerstva lokalnih organizacija građanskog društva i lokalnih vlasti u cilju poboljšanja položaja mladih.

Pored navedenog kroz obuku će:

- službenicima za mlade bit će pružena savjetodavna i tehnička pomoć organiziranja i uspostavljanja uspješne dvosmjerne komunikacije s mladima i omladinskim organizacijama u lokalnoj zajednici i kantonu.

- lokalna zajednica ili nadležno tijelo za mlade na kantonalnom nivou će ispoštovati proceduru obuke i certificiranja službenika za mlade propisane Zakonom o mladima FBiH (Član 12),
- upoznati se sa radom nadležnog ministarstva za pitanja mladih, Federalnog ministarstva kulture i sporta,
- upoznati se sa radom i programima institucija i organizacija koje podržavaju razvoj omladinskog sektora u BiH,
- općina, grad ili kanton će dobiti podršku i savjetovanje za adekvatnu provedbu Zakona o mladima Federacije BiH
- službenici će dobiti podršku za druge poslove u skladu sa Zakonom o mladima i podzakonskim aktima.

## KRITERIJI ZA PRIJAVU

Na javni poziv se mogu prijaviti osobe koje ispunjavaju sljedeće kriterije:

1. Državni službenici koji rade s mladima na općinskom, gradskom ili kantonalnom nivou,
2. Druge zainteresirane osobe starije od 18 godina s najmanje srednjom stručnom spremom.

## Potrebna dokumentacija

Kandidati su dužni dostaviti sljedeću dokumentaciju:

1. Popunjen prijavni obrazac (nalazi se u prilogu, a i na web-stranicama [www.fmks.gov.ba](http://www.fmks.gov.ba) i [www.mladi.org](http://www.mladi.org)).
2. Ovjerenu kopiju diplome o završenom stepenu obrazovanja.
3. Izvod iz matične knjige rođenih (original ili ovjerena kopija).
4. Prijava mjesta prebivališta (original ili ovjerena kopija ne starija od tri mjeseca).
5. Pisano odobrenje za pohađanje obuke od rukovodioca organa uprave (opcija 1: ovjeren obrazac od nadležne osobe; opcija 2: poseban dokument s odobrenjem).

## TRAJANJE OBUKE

Obuka traje od aprila do decembra 2024. godine uključujući i završni ispit. Dodjela certifikata uspješnim polaznicima Obuke planirana je po završetku obuke u decembru 2024. godine.

Moduli obuke će se održati po sljedećem rasporedu:

**Modul I** – od 27. do 31. maja 2024. godine

**Modul II** – od 24. do 28. juna 2024. godine

**Modul III** – od 15. do 19. jula 2024. godine

**Modul IV** – od 2. do 7. septembra 2024. godine

**Modul V** – od 21. do 25. oktobra 2024. godine

Napomena: Institut zadržava pravo u slučaju objektivnih okolnosti promijeniti termine održavanja modula.

## PRIJAVA

Sva potrebna dokumentacija treba pristići najkasnije do **10. aprila 2024. godine poštom ili lično** na adresu:

### **OBUKA SLUŽBENIKA ZA MLADE**

**Institut za razvoj mladih KULT**

4. viteške brigade 34-36

71210 Ilidža

**Napomena: Molimo kandidate da se također prijave i preko online prijavnog obrasca najkasnije do 10.aprila 2024. godine do 23:59 sati. Na linku ne treba dostaviti propratnu dokumentaciju.**

**Link za online prijavu je:** <https://s.mladi.org/14.03.0-N2.1-590-Obuka-SzM-2024>

Aplikacije koje ne pristignu do naznačenog roka neće se razmatrati. Institut za razvoj mladih KULT će sve prijavljene kandidate obavijestiti o ishodu, najkasnije do 29. aprila 2024. godine.

Sa svim odabranim polaznicima bit će potpisan ugovor o učešću u obuci.

## DODATNE INFORMACIJE

U slučaju potrebe za dodatnim informacijama ili pojašnjenjima, kandidati se mogu obratiti do **5. aprila 2024. godine** na broj telefona 033 778 765 ili na e-mail [katarina.vuckovic@kultbih.org](mailto:katarina.vuckovic@kultbih.org) (s nazivom emaila: Javni poziv 14.03.0-N2.1-590).

Sve dodatne informacije o obuci i javnom pozivu se mogu naći na web-stranici Instituta: [www.mladi.org](http://www.mladi.org)